

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

জনপ্রিয় শিশুতোষ টেলিভিশন সিরিয়াল “সিসিমপুর” সবার মন জয় করে ছ’ বছরে পা রাখলো

ঢাকা, ৯ই নভেম্বর -- প্রতিটি শিশুর প্রিয় মুখ হালুম, টুকটুকি, ইকরি ও শিকু সবার মন জয় করে জাতীয় পুরস্কারপ্রাপ্ত শিশুতোষ অনুষ্ঠান সিসিমপুরের মাধ্যমে আজ তাদের ছ’ বছরে পা দিল। ঢাকায় আজ দিনব্যাপী উদ্যাপিত হচ্ছে সিসিমপুরের ষষ্ঠ বছরে পদার্পন অনুষ্ঠান। জমকালো অনুষ্ঠানটির উদ্বোধন করেন নারী ও শিশু বিষয়ক প্রতিমন্ত্রী ড. শিরীন শারমিন চৌধুরী এবং ঢাকাস্থ যুক্তরাষ্ট্র দূতাবাসের ভারপ্রাপ্ত ডেপুটি চীফ অব মিশন জন ড্যানিলোভিচ। এরপর থাকবে বাংলাদেশ শিশু একাডেমী-র শিশুদের পরিবেশিত মনোরম সাংস্কৃতিক অনুষ্ঠান এবং শিশুদের জন্য আরো আকর্ষণীয় দিনব্যাপী “সিসিমপুর মেলা”। যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি)-র মাধ্যমে যুক্তরাষ্ট্র সরকারের অর্থায়নে নির্মিত সিসিমপুর অনুষ্ঠানটি শিশু শিক্ষার (আর্লি চাইল্ডহুড এডুকেশন) উপর গুরুত্ব দিয়ে থাকে এবং হাস্যরস, নাটক ও সঙ্গীতের মাধ্যমে অংক, ভাষা ও সমাজের বিভিন্ন বিষয়ের প্রতি সংবেদনশীল হতে শিশুদের অনুপ্রাণিত করে।

চলতি বছরের সিসিমপুর-এর ‘থিম’ বা মূল বিষয় হচ্ছে পরিবেশের ভারসাম্য (ইকোসিস্টেম) সম্পর্কে শিশুদের জানানো এবং এ ব্যাপারে তাদেরকে যত্নবান হতে অনুপ্রাণিত করা। এই ‘থিম’ অনুযায়ী ষষ্ঠ বছরেরজন্য ধারণ করা নতুন পর্যবেক্ষণে ভূমিকম্পের ওপর চলচিত্র দেখানো হবে। ব্র্যাক বিশ্ববিদ্যালয়ের উপাচার্য ড: আইনুন নিশাত একজন পরিবেশ বিশেষজ্ঞ হিসেবে একটি পর্বে ভূমিকম্প ও প্রাকৃতিক দুর্ঘটনার পদক্ষেপগুলো নিয়ে আলাপ করবেন। নতুন বছরের অনুষ্ঠানে বেতারে প্রচারিত ঘোষণা মনোযোগ দিয়ে শোনার প্রতি গুরুত্বারোপ করা হবে, পাশাপাশি অপ্রত্যাশিত প্রাকৃতিক দুর্ঘটনার মোকাবেলায় শিশু ও তাদের পরিবারের অন্যান্য সদস্যরা কি কি প্রস্তুতি গ্রহণ করতে পারে তা-ও তুলে ধরা হবে।

যুক্তরাষ্ট্র সরকার ‘ইউএসএআইডি’র মাধ্যমে বাংলাদেশের মানুষ বিশেষত হতদরিদ্রদের জীবনমান উন্নয়নে কাজ করে যাচ্ছে। ‘ইউএসএআইডি’ বাংলাদেশে পাঁচটি বৃহত্তর ক্ষেত্রে কর্মসূচি পরিচালনা করছে -- স্বাস্থ্য ও প্রাক-প্রাথমিক শিক্ষার উন্নয়ন, গ্রামীণ দরিদ্র জনগোষ্ঠীর জন্য আয়ের সুযোগ সৃষ্টি, সুশাসনের জন্য সহায়তা, খাদ্য নিরাপত্তা বৃদ্ধি এবং

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

দুর্যোগ মোকাবেলা ও প্রাকৃতিক দুর্যোগ পরবর্তী জরুরি সহায়তা। যুক্তরাষ্ট্র সরকার ১৯৭১ সাল থেকে বাংলাদেশকে এ পর্যন্ত ফ্রেশ' কোটি ডলারেরও বেশি সহায়তা প্রদান করেছে।

=====

জিআর/ ২০১০

দ্রষ্টব্য: এই সংবাদ বিজ্ঞপ্তির ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮-৩৭১৫০-৮, ফ্যাক্স: ৯৮৮-৫৬৮-৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।